

od koncesija“ na transakcijski račun Općine Žepče, broj: 3383102200022385, kod UniCredit Banke d.d.

Uplaćena sredstva Ministarstvo finansija knjižit će pojedinačno za svaku općinu.

**Član 3.**  
**(Provođenje odluke)**

Zadužuju se Ministarstvo za privredu i Ministarstvo finansija, da realizuju ovu odluku u skladu sa zakonom i podzakonskim aktima, svako u okviru svoje nadležnosti.

**Član 4.**  
**(Stupanje na snagu)**

Ova odluka stupa na snagu narednog dana od dana donošenja i biće objavljena u „Službenim novinama Zeničko-dobojskog kantona“.

Broj: 02-14-27194/12.

**PREMIJER**

Datum, 07.12.2012. godine

Zenica

**mr.sci.Fikret Plevljak dipl.ing. , s.r.**

**561.**

Na osnovu člana 25. stav 4. Zakona o Fondu za zaštitu okoliša Federacije Bosne i Hercegovine („Službene novine Federacije BiH“, broj: 33/03) i člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na prijedlog Ministarstva za prostorno uređenje, promet i komunikacije i zaštitu okoline, na 92. sjednici, održanoj dana 07.12.2012. godine, d o n o s i

**ODLUKU**

**o načinu raspodjele sredstava Fonda za zaštitu okoline**

**I.**

Ovom odlukom Vlada Zeničko-dobojskog kantona utvrđuje način raspodjele i utrošak sredstava pristiglih iz Fonda za zaštitu okoline Federacije Bosne i Hercegovine.

**II.**

Prikupljena sredstva koja Fond za zaštitu okoline Federacije Bosne i Hercegovine u skladu sa članom 25. stav 1. Zakona o Fondu za zaštitu okoliša Federacije Bosne i Hercegovine raspoređuje kantonima, Vlada Zeničko-dobojskog kantona raspoređuje tako što 20% sredstava pripada Zeničko-dobojskog kantonu, dok se 80% sredstava, uplaćenih u Fond sa područja općine, usmjerava u budžete općina.

**III.**

Pripadajuća sredstva Kantona koristit će se za rješavanje ekoloških problema Kantona te za potrebe interventnog djelovanja u slučaju ekoloških incidenata ili elementarnih nepogoda. Uplaćena sredstva u budžete općina namijenjena su za podsticanje mjera zaštite i unapređenja okoline i u druge svrhe se ne mogu koristiti.

Planove i projekte iz oblasti zaštite okoline općine obavezno dostavljaju Ministarstvu za prostorno uređenje, promet i komunikacije i zaštitu okoline, radi pribavljanja saglasnosti.

**IV.**

Za prikupljanje i realizaciju planova i projekata sa područja općina, iz tačke III. stav 2. zadužuju se nadležni općinski organi.

**V.**

Izveštaj o realizaciji i utrošku sredstava općine su, na kraju godine, dužne dostaviti Ministarstvu za prostorno uređenje, promet i komunikacije i zaštitu okoline, koje na osnovu tih izvještaja podnosi godišnji izvještaj o utrošku sredstava pristiglih iz Fonda za zaštitu okoline Federacije Bosne i Hercegovine Vladi Zeničko-dobojskog kantona.

**VI.**

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

**VII.**

Stupanjem na snagu ove odluke prestaje da važi odluka o načinu raspodjele sredstava Fonda za zaštitu okoline („Službene novine Zeničko-dobojskog kantona“, broj 9/03.)

Broj: 02-14-27197/12.

**PREMIJER**

Datum, 07.12.2012. godine

Zenica

**mr.sci.Fikret Plevljak dipl.ing. , s.r.**

**562.**

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) i člana 29. Zak-